

KJKP "RAD" d.o.o. SARAJEVO
-Direktor-

Broj: 05-03-04-_____ /20
Sarajevo, 13.07.2020. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor Mirsad Hošić donosi:

O D L U K U
o izboru najpovoljnijeg ponuđača za usluge registracije vozila, tehničkog pregleda i izdavanja licence

I

Najpovoljniji ponuđača za javnu nabavku usluge registracije vozila, tehničkog pregleda i izdavanja licence je ponuđač **Autocentar BH d.o.o. Sarajevo**.

O B R A Z L O Ž E N J E

KJKP "RAD" d.o.o. Sarajevo je dana 12.05.2020. godine na portalu javnih nabavki BiH objavio Obavještenje o nabavci kroz otvoreni postupak sa međunarodnom objavom za izbor najpovoljnijeg ponuđača za javnu nabavku usluge registracije vozila, tehničkog pregleda i izdavanja licence, sa rokom dostave ponuda 22.06.2020. godine.

Po otvorenom postupku sa međunarodnom objavom za izbor najpovoljnijeg ponuđača za javnu nabavku usluge registracije vozila, tehničkog pregleda i izdavanja licence pristigle su 3 (tri) ponude i to ponude firmi:

- **Centrotrans Eurolines d.d. Sarajevo**
- **Autocentar BH d.o.o. Sarajevo**
- **Osing d.o.o. Sarajevo**

Komisija za javnu nabavku je izvršila detaljan pregled, te je utvrdila sljedeće:

Ponuđač **Centrotrans Eurolines d.d. Sarajevo** je dostavio dokaz/potvrdu o uredno izvršenom ugovoru u kojoj postoji samo jedna ugovorna strana tj. Centrotrans Eurolines d.d. Sarajevo, te je izvršio povredu tačke 12.3. podtačka (c) Tenderske dokumentacije. Ponuđač je bio dužan dostaviti dokaz o jednom (1) uredno izvršenom ugovoru u posljednje dvije (2) godine koji je u vezi sa predmetom nabavke te srazmjeran predmetu nabavke, u formi spiska izvršenih ugovora uz potvrdu koju daje druga ugovorna strana.

Naprijed navedena ponuda je ocijenjena kao **nepotpuna i neprihvatljiva**.

Ponuđač **Autocentar BH d.o.o. Sarajevo** je ponudio cijenu javne nabavke predmetnih usluga u iznosu od: 4.160,79 KM bez PDV-a. Komisija za javne nabavke je izvršila provjeru cijena i ustanovila računarske greške. Nakon izvršenih provjera ustanovljena je nova cijena u iznosu od: 152.114,61 KM bez PDV-a, te je odlučeno da se ponuđaču podnese zahtjev za prihvatanje ispravke računarske greške u skladu sa članom 17. stav 5. Uputstva za pripremu modela TD i ponuda. Dana 03.07.2020. godine ponuđaču **Autocentar BH d.o.o. Sarajevo** je dostavljen zahtjev i tabela za prihvatanje ispravke računarske greške, a na koji je ponuđač odgovorio istoga dana i dostavio pismenu suglasnost za prihvatanje ispravke računarske greške tj. prihvatio je cijenu javne nabavke predmetnih usluga u iznosu od: 152.114,61 KM bez PDV-a. Komisija za javne nabavke je utvrdila da je ponuđač **Autocentar BH d.o.o. Sarajevo** dostavio svu potrebnu dokumentaciju i ponudio cijenu u iznosu od: 152.114,61 KM bez PDV-a.

Naprijed navedena ponuda je ocijenjena kao **potpuna i prihvatljiva**.

Ponudač **Osing d.o.o. Sarajevo** je ponudio cijenu javne nabavke predmetnih usluga u iznosu od: 132.510,19 bez PDV-a. Komisija za javne nabavke je izvršila provjeru cijena i ustanovila računarske greške. Nakon izvršenih provjera ustanovljena je nova cijena u iznosu od: 241.050,39 KM bez PDV-a, te je odlučeno da se ponuđaču podnese zahtjev za prihvatanje ispravke računarske greške u skladu sa članom 17. stav 5. Uputstva za pripremu modela TD i ponuda. Dana 03.07.2020. godine ponuđaču **Osing d.o.o. Sarajevo** je dostavljen zahtjev i tabela za prihvatanje ispravke računarske greške, a na koji je ponuđač odgovorio dana 06.07.2020. godine, te nije prihvatio ispravku računarske greške. Komisija za javne nabavke je također ustanovila da je ponuđač vršio i izmjene tenderske dokumentacije na način da je brisao posljednju kolonu u tehničkoj specifikaciji, a u kojoj su trebale biti iskazane cijene predmetne nabavke bez PDV-a. Shodno navedenom Komisija je skladu sa članu 68. stav 4. tačka (g) i u skladu sa članom 57. stav 1. Zakona o javnim nabavkama BIH navedenu ponudu ocijenila kao nepotpunu i neprihvatljivu.

Naprijed navedena ponuda je ocijenjena kao **nepotpuna i neprihvatljiva**.

Komisija je u Zapisniku o pregledu i ocjeni ponuda dala prijedlog ugovornom organu da obezbjedi dodatna sredstva za predmetnu javnu nabavku, te da se nakon toga okvirni sporazum i ugovor dodijele ponuđaču **Autocentar BH d.o.o. Sarajevo**.

Uprava preduzeća je odobrila dodatna sredstava za otvoreni postupak javne nabavke sa međunarodnom objavom, te se predmetna javna nabavka usluga registracije vozila, tehničkog pregleda i izdavanja licence dodjeljuje ponuđaču **Autocentar BH d.o.o. Sarajevo**, koji je dostavio svu potrebnu dokumentaciju te ponudio godišnju cijenu nabavke nakon ispravke računarskih grešaka u iznosu **od: 152.114,61 KM bez uračunatog PDV-a**.

Shodno naprijed navedenom, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, i to u dovoljnom broju primjeraka, a koji ne može biti manji od tri.

KJKP „RAD“ d.o.o. Sarajevo
v.d Direktor

Mirsad Hošić, dipl.ing.maš.

DOSTAVITI:

- Direktor;
- Ponuđaču;
- Komercijalnoj službi;
- a/a;